

Bwrdd Iechyd Prifysgol Bae Abertawe
Cofnodion Cyfarfod Bwrdd Iechyd Heb eu Cadarnhau
 a gynhaliwyd ar 28 Ebrill 2022 am 9am ym Mhrifysgol Abertawe

Yn bresennol

Emma Woollett	Cadeirydd (o gofnod 85/22)
Mark Hackett	Prif Weithredwr
Steve Spill	Is-gadeirydd (yn cadeirio)
Christine Morrell	Cyfarwyddwr Therapiau a Gwyddor Iechyd
Darren Griffiths	Cyfarwyddwr Cyllid
Debbie Eyitayo	Cyfarwyddwr y Gweithlu a Datblygu Sefydliadol
Gareth Howells	Cyfarwyddwr Dros Dro ar gyfer Nyrsio a Phrofiad y Claf
Jackie Davies	Aelod Annibynnol
Keith Lloyd	Aelod Annibynnol
Nuria Zolle	Aelod Annibynnol
Patricia Price	Aelod Annibynnol
Richard Evans	Cyfarwyddwr Meddygol Gweithredol (dros Zoom)
Siân Harrop-Griffiths	Cyfarwyddwr Strategaeth
Tom Crick	Aelod Annibynnol (dros Zoom)

Hefyd yn bresennol:

Hazel Lloyd	Cyfarwyddwr Llywodraethu Corfforaethol Dros Dro
Inese Robotham	Prif Swyddog Gweithredu
Matt John	Cyfarwyddwr Digidol
Nick Samuels	Cyfarwyddwr Cyfathrebu Dros Dro
Liz Stauber	Pennaeth Llywodraethu Corfforaethol

Rhif y Cofnod		Cam Gweithredu
83/22	CROESO A CHYFLWYNIADAU	
	<p>Croesawodd Steve Spill bawb i'r cyfarfod, gan egluro y byddai ef yn cadeirio'r cyfarfod oherwydd bod y Cadeirydd yn absennol.</p> <p>Derbyniwyd ymddiheuriadau gan Andrew Jarrett, Aelod Cyswllt o'r Bwrdd, Reena Owen, Aelod Annibynnol, Mark Child, Aelod Annibynnol a Maggie Berry, Aelod Annibynnol.</p>	
84/22	DATGANIADAU O FUDDIANNAU	
	Ni ddatganwyd unrhyw fuddiannau.	

85/22	<p>CANLYNIAD Y DDOGFEN YMGYSYLLTU Â GWASANAETHAU IECHYD MEDDWL ACÍWT I OEDOLION</p>	
	<p>Derbyniwyd adroddiad yn nodi canlyniad y ddogfen ymgysylltu â gwasanaethau iechyd meddwl aciwt i oedolion.</p> <p>Wrth gyflwyno'r adroddiad, tynnodd Siân Harrop Griffiths sylw at y pwyntiau canlynol:</p> <ul style="list-style-type: none"> - Cynhaliwyd yr ymgysylltu rhwng 31 Ionawr 2022 a 25 Mawrth 2022, a bu'n canolbwyntio ar ddyfodol gwasanaethau iechyd meddwl aciwt i oedolion a chleifion mewnol; - Roedd hyn yn cynnwys y lleoliad arfaethedig ar gyfer y gwasanaeth cleifion mewnol unigol (sef Ysbyty Cefn Coed); - Byddai canoli'r gwasanaeth cleifion mewnol ar un safle yn cefnogi gwell integreiddiad o dimau a gwasanaethau clinigol, gan gynnwys gofal dwys; - Codwyd rhai pryderon yn ystod y broses ynghylch sicrhau ymgysylltiad â chleifion a gofalwyr wrth ddylunio'r cyfleuster newydd, ac eid i'r afael â'r rhain fel rhan o'r achos amlinellol a'r achos busnes llawn; - Codwyd trafndiaeth fel mater a byddai trefniadau tebyg yn cael eu rhoi yn eu lle yn debyg i drefniadau gwasanaethau iechyd meddwl pobl hŷn. - Rhoddid enw newydd i'r cyfleuster er mwyn osgoi'r stigma sy'n gysylltiedig â'r adeiladau hŷn; - Cyflawnwyd adolygiad canolig gyda Chyngor Iechyd Cymuned i benderfynu sut i gynyddu nifer o ymatebion, a chynhaliwyd cyfleoedd pellach gyda grwpiau rhanddeiliaid ehangach; - Derbyniwyd gohebiaeth y diwrnod blaenorol gan Gyngor Iechyd Cymuned ar ôl iddo ystyried y canlyniadau gynharach yn yr wythnos. Roedd y llythyr yn amlinellu cefnogaeth lwyr ond hefyd yr angen i fynd i'r afael â materion cludiant ac enw'r cyfleuster. <p>Wrth drafod yr adroddiad, cyfeiriodd Mark Hackett at yr argymhelliad terfynol a oedd yn adlewyrchu'r bwriad i barhau ac ehangu ymgysylltu a chyd-gynhyrchu o ran gwasanaethau iechyd meddwl gyda phob partner a rhanddeiliad, a oedd yn rhan allweddol o daith y Bwrdd Iechyd. Gwnaed gwaith sylweddol dros y degawd diwethaf i ddatblygu gwasanaethau iechyd meddwl cymunedol ond roedd angen gwneud mwy o waith gyda'r cyhoedd i helpu i ddeall natur y buddsoddiad. Cynhelid trafodaethau dros yr haf a'r hydref gyda defnyddwyr gwasanaethau a phartneriaid i nodi sut i wella'r gwasanaethau hyn yn</p>	

	well er mwyn eu hintegreiddio gyda gwasanaethau cleifion mewnol. Cytunodd Keith Lloyd, gan ychwanegu ei bod yn hanfodol i ddefnyddwyr gwasanaethau gael mynediad at gymorth 7 diwrnod yr wythnos os oedd angen.	
Penderfyniad:	<ul style="list-style-type: none"> - Dylid nodi'r adroddiad; - Dylid cytuno ar yr argymhelliad i safle Cefn Coed fod yn lleoliad ar gyfer gwasanaethau asesu cleifion mewnol iechyd meddwl aciwt i oedolion er mwyn parhau â chamau nesaf o ddatblygu achos busnes ar gyfer Llywodraeth Cymru. - Dylid cytuno ar y bwriad i ailenwi'r cyfleuster er mwyn lleihau unrhyw stigma sydd ynghlwm i enw Cefn Coed. 	
86/22	UNRHYW FUSNES ARALL	
	Ni chafwyd unrhyw fusnes arall a daethpwyd â'r cyfarfod i ben.	
87/22	DYDDIAD CYFARFOD NESAF Y BWRDD	
	Cadarnhawyd mai dyddiad y cyfarfod nesaf fyddai 26 Mai 2022.	

Gorffennwyd y cyfarfod am: 9.15am